

實貪鄙與安老連姻當初毅身毗賴其力故常事之如父雖簿書間微
細事必躬就質問一如其指極盡詣媚之態○丁亥右議政尹殷輔啓曰
臣本以庸劣又無知識學力雖累經六卿之任一無堪任處前者除臣
為贊成請遙而不先心常兢惕今又命除為右相臣別無才德何以
冒處請遙答曰卿為贊成已久況又薦望除之矣勿辭○日暉○戊子
三公議啓曰陽德縣監李枝剛以御史見促推考矢然其言不可取實
故行移於本道推問事干至三次受刑發明矣事干非自己之事不可
加刑禁府以犯贓之事不能裁斷例請加刑而前既受二次矣後又受
一次又請加刑而今者允下枝剛病若垂死故病實不能加刑矣大抵
犯贓之事贓物或多情犯甚重則所當究竟推之枝剛則只以有屋轎
子注之見捉事干至三次受刑發明今枝剛病若垂死若加一次則必
死矣朝官拔下頃命至為未安自上裁斷何如傳曰大臣所啓是也
公事入啓則當改判付○夜張方有氣如火○己丑夜張方有氣如火
○庚寅傳曰李枝剛以已服辭緣照律○日微暉

四月辛卯朔憲府啓義新君澄源性本陰邪出入宰相朝士之家以干
謁請囑為事小不如意輒搆謠毀無所不至今又托病欺冒受由橫行